



御選明詩卷第一百一目錄

七言絕句一

劉基二十六首

宋濂三首

陶安五首

章溢一首

王禕一首

汪廣洋二十九首

蘇伯衡一首

危素二首

張以寧八首

御選明詩

卷百

目錄

鮑恂一首

詹同三首

袁凱二十二首

高啓六十九首

楊基二十首

張羽十首

徐賁十六首

陳則一首

王行二首

呂敏一首

錢用壬一首



御選明詩卷第一百一

七言絕句一

劉基

題小景

江頭日日起西風  
江樹驚寒葉變紅  
天淡雲低何處雁  
一行飛下荻花中

過蘇州

姑蘇臺下垂楊柳  
曾爲張王護禁城  
今日淡煙芳草裏  
暮蟬猶作管絃聲  
陌上清歌最可聽  
誰知此是斷腸聲  
就中更有楊枝曲  
恨殺昏鴉及曉鶯

御選明詩

卷百

劉基

一

虎丘山下月朦朧  
闔闔門前動地風  
子夜一聲琴一闋  
杜鵑聲在碧雲中

夜坐

露泣寒螿咽  
斷魂風驚簷鐸語  
黃昏羈愁悄悄成  
危坐看盡空牆上月痕

無寐

夜長無寐待鳴雞  
及至雞鳴夢却迷  
驚起朝陽斜照屋  
一眉殘月在天西

有感

物換星移事已迷  
重來舊處惑東西  
可憐如鏡天邊月  
獨照棲烏半夜啼

鴻雁來時月滿天  
客途僮僕自相憐  
荒村觸眼惟茅屋  
榆柳蕭疎起暮煙

黍穗高低菊有華  
屨居恰似野人家  
夕陽日向西牆過  
只爲微生換歲華

漫漫陽春不見秋  
人生得意總忘愁  
茱萸謝盡芙蓉發  
清夜吹笙月滿樓

春日雜興

雨隱滄江霧隱山  
鄉關迢遞寄書難  
病來只盼春風到  
不擬春風曉更寒  
日出江空曉氣柔  
白蘋風起渚煙收  
夜來一餉三更雨  
送盡飛花入海流

御選明詩

卷一百一十一

劉基

二

漫成

微涼秋袂一登樓  
落照歸鴉點點愁  
誰似孤雲獨無事  
隨風直到海西頭

不雨遣悶

池上芹泥即漸乾  
梁間燕子拾蟲難  
綠窗無限傷春意  
看盡斜陽更倚闌

題畫魚

爲愛濠梁樂有餘  
故拈兔穎寫成圖  
秋風忽憶銀絲鱸  
腸斷松江隔具區

題沙溪驛

澗水彎彎繞郡城  
老蟬嘶作車輪聲  
西風吹客上馬去

夕陽滿川紅葉明

過閩關

關頭霧露白濛濛  
關下斜陽照樹紅  
過了秋風渾未覺  
滿山秔稻入閩中  
峻嶺如弓驛路賒  
清溪一帶抱山斜  
高秋八月崇安道  
時見棠梨三兩花  
建溪激箭向南流  
石齒如鋒鬪客舟  
篙子踏歌渾不畏  
行人遙望替生愁  
漠漠輕雲結晚陰  
依依斜日掛遙岑  
炊煙忽起桑榆上  
散作鮫綃抹半林

秋日即事

御選明詩

卷五

劉基

三

秋風吹雨冷脩脩  
階下金錢爛漫愁  
鴻雁不來巢燕去  
草蟲辛苦獨知秋  
春華秋草兩悠悠  
素髮多情却滿頭  
落葉自隨流水去  
遠山空帶夕陽愁

垂垂密雨蟬修楊  
點點青苔繪短牆  
不是雁聲天畔過  
爭知今日是重陽

掛壁青缸照不眠  
相看到此亦堪憐  
露寒霜重殘螢盡  
腸斷秋風憶往年

槿花數樹夕陽時  
收拾秋光在短籬  
自紫自紅還自碧  
祇應獨有暮蟬知

北風吹雁過蕭蕭  
旅館青燈共寂寥  
蓬鬢一時成白雪

老來禁得幾秋宵

宋濂

題長白山居圖

滿地園林稱隱居，燕泥污我讀殘書。五更風急烏聲散，時有隔花人賣魚。

宜興強如心避地而歸，扁其居曰復初齋。來徵予詩。

昔日攬槍照五兵，今歸喜得見時平。春風綠酒扶殘醉，斜立官橋聽早鶯。

寄別

別來虎豆又生牙，尚在揚州賣酒家。醉後清狂應不減，御選明詩

卷百

劉基

宋濂

陶安

四

起拈花彈打鳴鴉

陶安

題畫

鼓罷瑤琴策杖還，空山流水聽潺潺。夕陽林外風塵起，輸與先生不出山。

為劉博士題畫

峭壁危峰護紫霞，讀書聲在鄴侯家。靜凭窗几閒觀物，無限春光在杏花。

晚山

翠剪雲頭萬朶花，樹梢殘雪伴棲鴉。寒風吹得蒼煙斷，露出茅茨一兩家。

次安慶

城樓三面碧迴環掠過煙波棹不閑認得客途曾到處  
亂雲堆裏大龍山

訪梅

山市凌寒特爲梅霜清綠萼未春開莫愁獨立無人見  
勾引詩翁兩度來

章溢

爲胡仲深詠桃花馬

硃砂染瓣色重臺勾引春風上背來慎勿解鞍橋下浴  
恐隨流水入天台

王禕

御選明詩

卷百

陶安

章溢

王禕

汪廣洋

五

蘭州

洮雲隴草都行盡路到蘭州是極邊誰信西行從此始  
一重天外一重天

汪廣洋

汪口渡捕魚者

芳草渡頭歌竹枝晴天小艇放鸕鷀比鄰爲報春醪熟  
自起持魚貫柳絲

蘇溪亭

蘇溪亭上草漫漫誰倚東風十二闌燕子不歸春事晚  
一江煙雨杏花寒

臨溪橋

石磴盤盤臥濕雲山深瑤草不知春馬頭忽見梅如雪  
縱有輕寒不著人

題宋徽宗雙鴛圖

蘆葉青青水滿塘文鴛晴臥落花香不因羌管驚飛起  
三十六宮春夢長

江上

大山小山松樹齊千聲萬聲子規啼攬衣起舞夕露下  
三更月落吳城西

象牙灘上百花開參差時復見樓臺翠香片菜綠沙出  
雪色鮭魚上水來

寫興

御選明詩

卷百

汪廣洋

六

謝豹花開滿嶺紅空蒙曉雨濕春叢看山不盡行人意  
處處東風啼郭公

江上四首

歸路貪行不覺多館夫連日棹江波滿船爭唱湖州調  
兩岸雲山側枕過

小姑南岸對彭郎天劈雲崖峙兩傍日暮驚濤沒沙尾  
江流較比去年強

順風全不廢簷牽把柁沿江穩放船指點大龍山色近  
皖城只在水雲邊

櫂歌齊發浪聲喧池口東邊又換船秫酒發醅偏醉客  
鮭魚出網不論錢

朱伯微自溪南携酒至婺源山中兼示垂絲海  
棠醉中求賦

一自朝雲委路岐春風吹夢託游絲內家叢裏分明見  
彷彿盤旋立舞時

東家蝴蝶愛悠揚不肯輕飛過短牆賸買麝煤千百斛  
暖熏濃抹到沈香

舞罷霓裳不耐嬌口脂微動酒初潮玉闌西畔春如海  
擬倩東風整翠翹

夜泊揚子橋

揚子橋頭夜泊船水波纔定月初圓不眠細數經行日  
笑隔東風又一年

御選明詩

卷百

汪廣洋

七

寶雞縣

渭河霜滿水如苔一縣人家半草萊唯有秋風酸棗木  
淡煙深鎖鬪雞臺

登胥江驛亭

小閣開簾望遠岑暖風晴日轉幽禽胥江流水清無底  
較比春愁一樣深

嶺南雜錄

一劍南來兩鬢星肩輿隨處看丹青豈知庾嶺梅邊客  
却上交州海角亭

鳥嶼潮來日欲曛聲牙蠻蛋動成羣拏舟盡入沙灣泊  
為避犁頭海上雲

海濱朝夕易炎涼濕氣蒸人沁薄裳昨日崖州有船到  
滿城爭買白栳榔

石鼎微重茉莉香椰瓢滿貯荔枝漿木棉花落南風起  
五月交州海氣涼

牂牁流水碧潺潺潮落潮生草木閒一片海雲吹不起  
越人遙指是匡山

雁翅城東湧怒濤外洋水長蜚船高莫言昨夜南風急  
今日登盤有海蠔

越鹽如雪賽吳鹽諸預初肥竹筍甜何事眉山蘇太守  
只將雙蟹較團尖

村團社日喜晴和銅鼓齊敲唱海歌都道二年生計足  
御選明詩

卷五

汪廣洋

八

五收蠶繭兩收禾

番禺南望渺煙波怪底魚龍出沒多頃刻風霆飛白晝  
黑雲拖雨過牂牁

榕樹陰陰集暮鴉竹深人靜似仙家芭蕉小苑垂雙實  
茉莉南州壓萬花

登南海驛樓

海氣空濛日夜浮山城纔雨便成秋馮唐頭白懷多感  
倚徧天南百尺樓

晚過清河驛

遡流西望渺如煙黃帽齊將百尺牽日暮雨來風浪惡  
隔河搗鼓換官船

蘇伯衡

即日

午門同出獨歸遲立斷銅壺漏下時  
添得綠荷千萬柄  
雨聲強半在西池

危素

題宋好古墨竹

我憶東曹粉署郎琅玕寫就拂雲長  
祗疑散步雲林曲  
獨聽秋聲待晚涼

題趙子昂竹石

叢篁偏映寒雲色古石猶凝碧蘚痕  
曾是碧瀾堂上月  
獨臨苔水照王孫

御選明詩

卷五

蘇伯衡

危素

張以寧

九

張以寧

次翰林都事拜住春日見寄韻

日高睡起小窗明飛絮遊絲弄晝晴  
忽憶金河年少夢  
柳陰騎馬聽流鶯

棠梨幽鳥

揚州舊夢隔天涯曾醉春風阿那家  
幽鳥豈知人事恨  
依然啼殺野棠花

梨花錦鳩

一枝新雨帶啼鳩喚起春寒枝上頭  
說與朝來啼太苦  
洗妝纔了不禁愁

過桐廬

江邊三月草淒淒綠樹蒼煙望欲迷細雨孤帆春睡起  
青山兩岸畫眉啼

過崇安宿赤石水澁不下舟

兩岸青山下建溪筍輿軋軋坐雞棲人間最是吳兒樂  
一枕清風過浙西

有感

馬首桓州又懿州朔風秋冷黑貂裘可憐吹得頭如雪  
更上安南萬里舟

泊沽頭

楚客歸心河水流三更月暈長年愁沙河雨漲催開閘  
半夜櫓聲無數舟

御選明詩

卷百

張以寧

鮑梅

詹同

十

遇故人胡居敬臨江府送至新淦

翠竹蒼松映白沙清江西畔是君家明年歸路重相問  
分食東陵五色瓜

鮑恂

盛叔章畫

煙濕空林翠靄飄渚花汀草共蕭蕭仙家應在雲深處  
祇許人間到石橋

詹同

題水殿納涼圖

湖上闌干百尺臺臺邊水殿倚雲開紅橋人隔荷花語  
玉盃金盤進雪來

舟過黃陵廟

黃陵廟下倚船窗水淺沙平屬玉雙山外斷雲寒日晚  
半篷殘雪下湘江

入峽

黃牛廟下水如弦白狗峽中數尺天百丈牽春上巴蜀  
巖花無數照江船

袁凱

題吳王納涼圖

微月斜侵響屨廊芙蓉清氣滿金塘鴛鴦只傍闌干宿  
也愛君王水殿涼

陪鄭明德倪元鎮遊天平山

御選明詩

卷一百

詹同

表凱

十一

官河春水綠悠悠水上人家盡畫樓買取吳娃三日酒  
放船直到百花洲  
高臺千尺對層巒只許吳王醉裏看山色不隨勾踐去  
遊人還得倚闌干

題龍江酒家二首

金陵美酒玉光浮父老相傳最解愁安得身無官府事  
長年高臥竺家樓

江上青帘映白沙壚頭美酒玉無瑕李白當年曾醉此  
桃花落盡不思家

揚州逢李十二衍

與子相逢俱少年東吳城郭酒如川如今白髮知多少

風雨揚州共被眠

淮西夜坐

蕭蕭風雨滿關河  
酒盡西樓聽雁過  
莫怪行人白頭盡  
異鄉秋色不勝多

李陵泣別圖

上林木落雁南飛  
萬里蕭條使節歸  
猶有交情兩行淚  
西風吹上漢臣衣

客中夜坐

落葉蕭蕭淮水長  
故園歸路更微茫  
一聲新雁三更雨  
何處行人不斷腸

城西送鄧生

御選明詩

卷百

表凱

十一

千山風雪正霏霏  
君去金陵幾日歸  
鳳皇臺上還吹笛  
東望滄溟淚滿衣

寄三江王六秀才

滄洲荷屋晚秋時  
橘柚青黃滿戶垂  
安得扁舟趁潮去  
醉看江雨散輕絲

送鄭老歸襄陽

我愛襄陽老鄭虔  
高樓吹笛動秋煙  
他時若有平安信  
即寄江東估客船

憶南湖二首

我憶南湖春酒香  
百錢亦可解愁腸  
湖頭白藕猶堪愛  
正似佳人玉臂長

南湖沈叟愛吟詩詩似當年杜牧之一日干戈不相見  
令人雙鬢欲成絲

已未九日對菊大醉戲作

老夫愛此黃金蕊兒子須將白酒賒直到殘陽下天去  
更添燈火照欵斜

遮莫鄰家酒已無教兒更往遠村沽老夫強健如平日  
醉過三更不要扶

風雨宿蕭山

東來山郭晚秋時白酒黃柑興不衰欲倩山陰王逸少  
爲書風雨渡江詩

題老蛟化江叟吹笛圖

御選明詩

卷五

袁凱

三

吳頭楚尾老驄翁千里煙波有故宮日暮江亭不歸去  
猶將玉笛倚秋風

城西送鄧生

東望滄溟涕泗垂閨中少婦亦霑衣他時若有相思字  
只寄春江燕子歸

登閣

木落淮南秋色空閒登高閣送歸鴻白頭老婦癡兒女  
盡在蕭條望眼中

過潯陽

夜泊潯陽江上沙扁舟何處載琵琶西風不管水流去  
依舊滿汀開荻花

諸公携酒蘇臺餞別醉歸海上作此奉謝

吳王洲上百花開花下人人勸酒杯醉臥春江三百里  
不知月過海門來

高啓

聞舊教坊人歌

渭城歌罷獨淒然不及新聲世共憐今日岐王賓客盡  
江南誰識李龜年

山中別寧公歸西塢

一上香臺看落暉沙村孤樹晚依依老僧不出青山寺  
只有鐘聲送客歸

秋柳

御選明詩

卷百

高啓

十四

欲挽長條已不堪都門無復舊毵毵此時愁殺桓司馬  
暮雨秋風滿漢南

送賈麟歸江上

別淚紛紛逐斷猿貧交無贈只多言離愁正似蘼蕪草  
一路隨君到故園

秋夜同周著作住宿婁浦

小廨寒依竹浦雲酒闌相對說離羣一聲新雁誰先聽  
今夜江南我共君

送呂卿

遠汀斜日思悠悠花拂離觴柳拂舟江北江南芳草徧  
送君并得送春愁

春思

愁兼楊柳一絲絲  
客舍江南暮雨時  
自入春來才思減  
杏花開過不題詩

入郭過南湖望報恩浮圖

雨過春波柳浪香  
布帆歸緩怕斜陽  
漁人爲指江城近  
一塔船頭看漸長

登江閣遠懷徐記室與杜進士同賦

憑闌兩客怨斜曛  
此日同吟只欠君  
江閣雖高猶不見  
幾重山水幾重雲

夏夜宿西園酒醒聞雨二首

飛蟲繞燭夢迴遲  
荷葉齊鳴雨一池  
不爲素紈猶在手  
御選明詩

卷五

高啓

五

定疑秋夜乍寒時

人睡蕭蕭院落空  
未秋愁已怯梧桐  
夜長猶幸西軒雨  
一半聽時在醉中

江上偶見

阿姬不畏晚寒多  
綠舫紅衣柳下過  
滿浦秋衣已零落  
如何猶唱采蓮歌

過保聖寺

隔江寒霧隱樓臺  
遠逐鐘聲放艇來  
亂後不知僧已去  
幾堆紅葉寺門開

期諸友看范園杏花風雨不果

欲尋春去怕春休  
又值春陰不得遊  
寂寞西園風雨裏

杏花比客更多愁

過山家

流水聲中響緯車板橋春暗樹無花風前何處香來近  
隔崦人家午焙茶

晚過浦西橋

春水何長春日短沙鴨交眠綠莎煖晚過橋西不見人  
野梅零落江梅斷

逢吳秀才復送歸江上

江上停舟問客踪亂前相別亂餘逢暫時握手還分手  
暮雨南陵水寺鐘

次韻春日漫興四首奉酬外舅達翁

御選明詩

卷五

高啓

十六

老去風情似樂天恨無張態抹朱絃一春酒病稀遊賞  
啼鳥鶯花共悵然

水邊簾幙遠籠花遊女時時出浣紗記得橫塘沽酒處  
畫船明月載琵琶

雨多池館草毵毵酒色寒銷舊舞衫燕子自憐花落地  
殷勤長帶軟泥銜

菖蒲葉老芷花新地暖鴛鴦護水紋不上高樓無遠恨  
江南春盡草如雲

春日懷江上

一川流水半村花舊屋南鄰是釣家長記歸篷載春醉  
雲籠殘照雨鳴沙

偶睡

竹間門掩似僧居  
白荳花開片雨餘  
一榻茶煙成偶睡  
覺來猶把讀殘書

舟歸江上過斜塘

漫漫村塘水沒沙  
清明初過已無花  
春寒欲雨歸心亟  
嬾住扁舟問酒家

白傅湓浦圖

相逢淪落總天涯  
舟泊湓江近荻花  
逐客青衫自多淚  
傷心不用怨琵琶

秋江晚渡圖

鷓鴣飛盡一洲蘋  
帆帶秋雲度遠津  
底事愁看畫中景  
御選明詩

卷百

高啓

昨朝曾送渡江人

十一

過北塘道中

春水滿田如一湖  
入田放艇看鵝雛  
女郎祠下野花雜  
老子門前沙樹孤

若欲看春春色稀  
亂後何處有芳菲  
晚鶯啼歇野寂寂  
雙樹溪邊人獨歸

渺渺一徑兩陂間  
楊柳初發水潺潺  
驚魚忽散人影盡  
啼鳥時來春意閒

夜雨江館寫懷

漠漠春寒水繞村  
有愁無酒不開門  
青燈畫角黃昏雨  
客共梅花併斷魂

金徵士玫瑰雨中見過留宿

莫辭同宿掩書幃  
亂後蕭條故舊稀  
預恐明朝風雨歇  
滿江春水送君歸

效香奩二首

青瑣初空別恨長  
繡茸留得唾痕香  
簾前月出無人拜  
只有秋千影過牆

開過東窗百葉桃  
琵琶塵滿縷金槽  
欲呼小子敲妝閣  
誰出相迎放剪刀

江上逢舊妓

玉箏紅燭艷春羅  
慣向高堂聽汝歌  
今夕相逢為重唱  
孤舟江冷月明多

御選明詩

卷五

高啓

六

平常歌舞不能閒  
多在青春甲第間  
借問年來還到否  
朱門風雨幾家關

吳王井

曾開鑑影照宮娃  
玉手牽絲帶露華  
今日空山僧自汲  
一瓶寒供佛前花

消夏灣

涼生白紵水浮空  
湖上曾聞避暑宮  
清簟疎簾人去後  
漁舟占盡柳陰風

將赴金陵始出閩門夜泊二首

烏啼霜月夜寥寥  
回首離城尚未遙  
正是思家起頭夜  
遠鐘孤棹宿楓橋

煙月籠沙客未眠  
歌聲燈火酒家前  
如何纔出閩門外  
已似秦淮夜泊船

舟次丹陽驛

沽酒來尋水驛門  
鄰船燈火語黃昏  
今朝始覺離鄉遠  
身在丹陽郭外村

正月十六日夜至京師觀燈

天街爭唱落梅歌  
絳闕珠燈萬樹羅  
莫笑遊人來看晚  
春風還似昨宵多

送郭省郎東歸二首

金陵兒女踏春陽  
金陵客子正思鄉  
一盃况復春將去  
目斷飛花江水長

御選明詩

卷五

高啓

九

桃葉渡頭聞唱歌  
孤帆欲發奈愁何  
君歸是我來時路  
山水無多離思多

晚晴遠眺

楚天無物不堪詩  
登眺惟愁動遠思  
秋樹江山人別後  
夕陽樓閣雨晴時

聞人唱吳歌

楚人不解聽吳歌  
我獨燈前感慨多  
記得通波亭下路  
畫船歸去雨鳴荷

雨中過山

春雲晻靄澗奔渾  
風雨行人過一村  
不似家山深竹裏  
乳鳩啼午未開門

寒食逢杜賢良飲

楊柳無煙江水長鄰家風雨杏餠香逢君共把金陵酒  
忘却今朝在異鄉

讀韋蘇州詩

掃閣焚香晝卷帷綠槐疎雨夏初時客憂何物能消遣  
一帙蘇州刺史詩

西園卽事

綠池芳草滿晴波春色都從雨裏過知是鄰家花落盡  
菜畦今日蝶來多

東歸至楓橋

故人當日送登畿此地停舟醉落暉慙愧臨河舊攀柳  
御選明詩

卷百

高啓

二

尚留青眼看人歸

江行

家家漁網映迴橋春水初生沒樹梢客路江南煙雨裏  
綠蕪芳草恨迢迢

蜀山書舍圖

山月蒼蒼照煙樹碧浪湖頭放船去隔林夜半見孤燈  
知是幽人讀書處

行樂

冠觸花梢露濕衣曉因行樂到南圻日高霧散春江曲  
綠滿平田雙雉飛

柳塘飛燕

身輕不奈晚多風，春盡迴塘落絮空。  
楊柳陰迷三十里，畫樓何處卷簾櫳。

題芭蕉仕女

秋宮睡起試生羅，閒向芭蕉石畔過。  
怪底早涼欺匣扇，夜來葉上雨聲多。

和王耕雲與愚菴倡和詩二首

灌花移石不辭勤，苔潤流泉雨後新。  
一塢綠楊雞犬靜，老來欣作太平人。

欲望城西禮白雲，數峰蒼翠晚粼粼。  
誰知邂逅東歸客，亦是香山社裏人。

夢余唐卿

御選明詩

卷百

高啓

三

路隔城皋萬里關，何由得見故人還。  
燈前夢裏匆匆見，猿叫楓林月在山。

過湖南舟中臥作

野客分携水店前，浪平舟穩稱酣眠。  
午雞啼處前村近，過盡平湖幾曲天。

疎竹三禽圖

棘枝疎瘦竹枝低，三鳥寒多每並棲。  
月落山空秋夢斷，不知誰箇最先啼。

客舍春暮

酒醒閒寫送春詩，細雨殘花尚一枝。  
莫向天涯望芳草，客愁多似去年時。

雨中曉臥二首

井桁烏啼破曙煙輕寒薄被落花天閒人晴日猶無事  
風雨今朝正合眠

香斷牀幃冷未開雨窗寥落滿檣苔休輕一枕江邊睡  
拋却畧金換得來

晚立西浦渡

鬢絲微映釣絲輕水葉驚風細浪生誰見晚涼人立處  
數株楊柳一蟬鳴

江上雨中

江漲隨漚欲到門濕雲依樹易黃昏幽居常日無來客  
何況蕭蕭雨滿村

御選明詩

卷百

高啓

過北莊訪友

淺水平沙凍鴨眠秋聲和過石橋邊尋君兼得尋詩興  
野樹江雲欲雪天

效香奩體

揚州夢斷十三年底事猶存未了緣不見擁髯簾下立  
斷腸騎馬過門前

遊石湖

綠楊搖曳蘸湖波鷗鷺頻驚畫舫過白紵歌殘風欲起  
美人應怯暮寒多

刺繡圖和楊孟載

翠絲盤葉碧玲瓏小萼花鋪茜縷紅夢裏鴛鴦留不得

分明却在繡牀中

楊基

天平山中

細雨茸茸濕棟花  
南風樹樹熟枇杷  
徐行不計山深淺  
一路鶯啼送到家

紅綠蕉二仕女圖

兩樹紅蕉隔禁扉  
曉涼携伴試羅衣  
金鈴小犬迎人吠  
應怪秋來出院稀

故山春日四首

千花萬萼委塵埃  
只有荼蘼獨自開  
應是鄰家更零落  
過牆蝴蝶又飛來

御選明詩

卷五

楊基

五

梨花兩枝春可憐  
下馬折花山徑邊  
山中人家改新火  
隔樹吹來榆柳煙

寂寂青山一鳥啼  
紫藤花落午風微  
不知刻漏長多少  
但覺桐陰半日移

春來芳草踏成蹊  
半是車輪半馬蹄  
多謝清明三日雨  
舊痕新綠一般齊

寄陳惟寅惟允

坐有重氈食有魚  
眼能識字手能書  
山於秋水船頭看  
家在春波門外居

遇史克敬詢故園

三年身不到姑蘇  
見說城邊柳半枯  
縱有蕭蕭幾株在

也應啼殺樹頭烏

憶挹翠亭聽歌示徐幼文余唐卿

清歌一曲動梁塵只憶當時淚滿巾  
何況春歸花落盡眼前漂泊兩三人

舟泊南湖有懷二首

并序

二月十二日舟泊彭蠡南湖嘴風雨甚寒憶吳中  
是日郡人皆試夾紗衣單羅扇往范家園看杏花  
入春來此爲行樂之首

紗衣羅扇一時裁兩兩三三作伴來  
正是吳中好風景范家園裏杏花開

單羅小扇夾紗衣冠子梳頭插翠薇  
知是范家園裏醉

御選明詩

卷一百一

楊基

二

無人不戴杏花歸

到江西省看花次韻四首

青絲茵褥是柔莎白苧衣裳勝綺羅  
千樹桃花紅一色春光誰道不須多

小小旗亭曲曲闌禁煙時節未鶯殘  
便須連夜燒銀燭莫待他年霧裏看

東湖東畔柳枝長滿苑飛花亂夕陽  
何處被除兒女散過來流水鬱金香

生色屏風一面開輕羅團扇合歡裁  
深深院落青青柳縱是無花也看來

鯉魚山阻風天甚寒雨皆成霰

江南天氣大無憑，草色煙光暖欲蒸。  
向晚鯉魚風乍急，盡吹小雨作春冰。

望武昌二首

吹面風來杜若香，離離煙柳拂鷗長。  
人家鸚鵡洲邊住，一向開門對漢陽。

春風吹雨濕衣裾，綠水紅妝畫不如。  
却是漢陽川上女，過江來買武昌魚。

祁陽道中二首

疎煙小雨濕流光，愁得楊花不暇狂。  
半晌春晴便飄蕩，綴人簾幙上人牀。

愁紅怨白滿江濱，一樹盈盈恰破春。  
正是情多開自晚，御選明詩卷五

楊基

張羽

三五

雨中知有斷腸人

張羽

畫

疎散元非用世才，日高林戶尚慵開。  
爲憐湖上青山好，行到冬青樹底來。

暮過西疇

白水泱泱繞壞堤，隔林遙聽夕陽雞。  
閒行每到東邊少，爲有青山在屋西。

贈琴士

有客夜半來山中，橫琴坐石彈松風。  
松風曲罷抱琴去，落月一聲天外鴻。

取勝亭感舊

綠雨微消紫陌塵湖光冷落似無春朱門記得曾遊處  
楊柳青青不見人

寄友

客路尋常怨別離况逢秋色倍堪悲一封書到千山暮  
正是思君獨坐時

梅雪軒

山如東郭先生屋似西湖處士家爲問軒中清白吏  
還應比雪比梅花

小遊仙

洞口春泉漱碧沙樓臺彷彿蔡經家赤鸞銜得金盤子

御選明詩

卷百

張羽

三

擲向窗前樹樹花

朝遊碧海不騎魚鳳引霓旌鶴引車吟得步虛誰解和  
歸來閒倩少霞書

維陽春晚

煙籠柳影亂鶯啼雨濕芹香乳燕飛二十四橋春又盡

江南詞客正思歸

燕山春暮

金水橋邊蜀鳥啼玉泉山下柳花飛江南江北三千里  
愁絕春歸客未歸

徐賁

雨後慰池上芙蓉

池上新晴偶獨過  
芙蓉寂寞照寒波  
相看莫厭秋情薄  
若在春風怨更多

折花背立一美人圖

綉罷春衫出閣遲  
辛夷花下立多時  
內園且是無人到  
不省含羞怕見誰

荅楊署令送菜

隙地知君手自栽  
紺芽紅甲雨中開  
閑居我亦清齋久  
肯折新葵爲送來

荅高季迪酒醒聞雨

江郭多陰暑到遲  
夜涼孤枕怯疎帷  
聽風聽雨尋常慣  
不似今朝醉醒時

御選明詩

卷百

徐賁

五

折蓮子呈孟載

落盡紅衣見綠房  
折來猶帶水雲香  
柔絲零落芳心苦  
未及秋風已斷腸

月明聽胡琴

檀板朱絃出砑聲  
停杯齊聽月當楹  
分明自是涼州曲  
不解何人最有情

題倪雲林竹二首

憶君我有淚淋漓  
正似湘江雨後枝  
記得秋聲夜同聽  
蕭閒館裏對牀時

綺窗晝寂自焚香  
十日春陰不下堂  
幾度吟成微醉後  
興來拈筆寫脩篁

送呂管勾

客情沙柳共依依，隔浦遙山向夕微。  
送別偶當花落後，傷心元不爲春歸。

曉發秀州

路出雙湖煙樹東，舟行長是雨兼風。  
夢回重有離家恨，惆悵春寒此夜中。

揚州僧舍見花有感

風遞穠香到水涯，幾株桃李映門斜。  
侯家園圃多荒廢，不是僧房不見花。

居龍河寺懷高季迪二首

與君長辨酒家錢，共結山盟與水緣。  
今夜重思舊遊處，

御選明詩

卷五

徐黃

天

一龕閒坐佛燈前

竹下幽泉細細流，寺閒人去暮煙愁。  
獨憐千里來京客，腸斷龍河寺裏秋。

九月十七日聞雁寄董莊

晚意秋陰兩不分，渚蘆沙竹護寒雲。  
雁聲客裏誰先聽，愁絕惟應我共君。

送葉知縣

黃葦丹楓葉落時，水雲漠漠雁來遲。  
秋風長是身爲客，已自傷心况別離。

送張景則歸天台

浙江東去有名山，路遠天台雁宕間。  
我未得遊空悵望，

是君鄉里喜君還

陳則

題雲林畫

落花愁殺未歸人  
亂後思家夢更頻  
縱有溪頭茅屋在  
也應芳草閉深春

王行

題畫

高館疎簾晚乍開  
讀書聲裏故人來  
山中本自無塵土  
催得家僮掃綠苔

題自作畫

高館良宵睡思遲  
葛巾重著半醺時  
都將滿抱林泉興

御選明詩

卷百

陳則

王行

呂敏

錢用壬

三元

付與閒窗墨半池

呂敏

為惠機長老題徐幼文寫惠山圖

天寒華表鶴歸遲  
隔世令人起遠思  
偶見漪瀾堂上畫  
猶看悟澹卷中詩

幼文詩籤題悟澹集  
漪瀾即惠山堂扁也

錢用壬

題米敷文煙巒曉景

江上亂峰生暮煙  
隔江遙望水雲連  
西風戰艦今無數  
不見米家書畫船

御選明詩卷第一百一

御選明詩卷第一百二目錄

七言絕句二

劉崧十七首

牛諒一首

吳雲六首

孫作三首

董紀一首

唐肅一首

藍仁一首

王立中二首

林公慶一首

御選明詩

卷五

目錄

林弼十首

唐敏三首

劉三吾一首

張籌二首

瞿莊二首

朱同一首

秦約二首

張適六首

楊彝一首

戈鎬二首

馬治七首

陳汝楫一首

錙炳十一首

郭奎七首

王蒙二首

陳汝言一首

李暉二首

朱芾一首

虞堪五首

王澤五首

劉儼一首

袁舉一首

御選明詩 卷五 目錄

貝瓊七首

朱右一首

張宣一首

邵亨貞六首

錢宰十首

童冀一首

葉子奇十首

胡奎二首

管訥五首

林溫一首

顧祿一首

涂穎二首

呂復一首

吳植一首

姚璉一首

唐仲實一首

任原一首

殷奎二首

袁華六首

盧昭二首

申屠衡一首

朱應辰五首

御選明詩

卷五

目錄

陶振一首

史遷八首

冷謙一首

史靖可一首

梅頤二首

林子森一首

俞貞木一首

戴奎一首

凌雲翰二首

鄭真四首

張庸一首

李洪一首

袁宗二首

王紳一首

貝翱一首

孫贇五首

王佐一首

御選明詩

卷五

目錄

四

御選明詩卷第一百二

七言絕句二

劉崧

送別叔銘出順承門

送客出城秋已涼  
太行南上楚天長  
順城門外斜陽裏  
蕎麥花開似故鄉

蒼石峽中見道人菴居隔水山花盛開

蒼石峽中花藥欄  
舊時草屋傍巖安  
道人去後松橋斷  
縱有花開隔水看

叔銘以紈扇索余題詩因戲作叢竹于上仍繫以詩

御選明詩

卷五

劉崧

一

家住江南青竹林  
別來無日不關心  
偶然寫向齊紈上  
便欲移牀坐綠陰

偶賦

內官宣進瑞瓜詞  
閭闔門深晝影移  
東苑紅橋楊柳下  
曾因待詔立多時

春晝

池南欹柳燕將雛  
門巷新晴轉綠蕪  
花隔小窗人不到  
一簾香霧鬪桴蒲

入狹潭

水上石山森劔鋸  
水中石屋是魚房  
秋來水落月未出  
魚眼射波如火光

廣州雜詠四首

鯽魚潮退餘溪涵牡蠣牆高結海沙紅豆桂花供釀酒  
檳榔萋葉當呼茶

柳杯深貯荔枝漿桂酒新調蘇合香啖客檳榔紅齒頰  
喚人鸚鵡綠衣裳

越童蕩槳唱蠻歌山女簪花艷綺羅沙港閣船潮退早  
蜃灰塗屋雨來多

峭壁崩崖江水邊深山日暮見人煙滄波杳杳連三峽  
寒草青青自一川

雨竹

滄波石日晚陰翠篠娟娟過雨香何許鷓鴣啼不斷

御選明詩

卷五

劉松

二

黃陵祠下是三湘

江上

沙背微波漾綠蘋山頭落日駐紅輪依稀燈火楓林鼓  
岸上人家賽水神

步月

乘涼步月過西鄰草露霏微濕葛巾一逕竹陰無犬吠  
飛螢來往暗隨人

八月十一日自水南渡江道金華過北巖訪蕭

鵬舉是日雲陰掩冉不見日色道中賦絕句

八月棠梨露葉紅荒陂古水湛青銅秋風依舊巖前路  
高下寒山落日中

題超上人墨菊

露香秋色淺深中青蕊黃花自一叢最憶南園微雨過  
短籬扶杖看西風

題三岡寺

石橋流水帶人家紫殿春陰閣岸沙啼鳥數聲山雨歇  
門前落盡白桐花

寒夜

馬齒枯荑寒夜長風如箭鏃射陰房不知門外三更雪  
誤起開門看月光

牛諒

畫梅

御選明詩

卷一百一

劉松

牛諒

吳雲

三

梨花雲底路參差折得春風玉一枝南雪未消江月曉  
欲從何處寄相思

吳雲

道中遣興

雨餘煙柳綠如苔水淨沙明白鳥迴花氣滿船無覓處  
隔籬村舍瑞香開

水村煙草映花叢夢裏青山入瘦筇晚泊楓橋春睡重  
滿船風雨不聞鐘

曉入招提草樹馨怪來松栢老龍形如何剝落冰霜盡  
依舊春風吹得青

花柳清明過雨初脩篁風動鳥相呼青山如此不歸去

時向溪流照白鬚

毗山嵐翠入苔溪曾倚池亭醉夕暉回首交朋半凋謝  
煙波無際白鷗飛

卜居擬向水晶宮深築茅齋萬竹中三月江南蓴菜美  
季鷹何苦待秋風

孫作

大年雨中見寄二絕因次韻

十載青春伴旅遊無田安敢羨歸休夢回讀罷淒然句  
正似彭城風雨秋

筆端江浪貯雲煙愛汝新詩字字傳爲報客懷無一事

日憑花鳥喚春眠

御選明詩

卷五

吳雲

孫作

董紀

唐肅

四

元夕寄梁先輩

開戶微明雪滿窗空堂睡息海濤撞照人獨有梅花發  
自洗嘗春兩玉缸

董紀

絕句

小徑斜穿入竹林曲闌通轉亞花陰牆隈勢逼風如旋  
落地殘紅幾許深

唐肅

題宮人圖

洗花染線刺春羅鳳翼雙飛錦作窠暫起非關針力倦  
海棠時節困偏多

藍仁

題雪景

湖邊倒樹玉爲檟樹底茅簷路半斜  
飢鶴翅寒飛不去  
伴人閒立看梅花

王立中

絕句二首

梅粉凝嬌不肯添  
晚年籠暝壓重簷  
江南可是春寒甚  
十日東風不捲簾

春波橋頭柳似煙  
越王城郭在西邊  
我家遶屋皆春水  
盡日鴛鴦隨釣船

林公慶

御選明詩

卷五

藍仁  
林弼

王立中

林公慶

五

長沙

太傅兒孫多濟美  
東陽絳灌少聞家  
欲尋遺井無人識  
蛟蝶飛來薺菜花

林弼

龍州十首

龍州入夏多風雨  
山路無時一尺泥  
今日開門喜晴霽  
洞雲片片度前溪

山蕉木柰野葡萄  
佛指香圓人面桃  
更有波羅甜似蜜  
冰盤初薦尺餘高

草閣柴扉傍竹開  
峒官留客意徘徊  
盤遮蕉葉携觥至  
甕貯筠籠送酒來

峒丁峒婦皆高髻白紵裁衫青布裙客至柴門共深揖  
一時男女竟誰分

千山萬山皆戴石十日九日長出雲水鼠夜啼人不見  
峽猿暮嘯客偏聞

近水刺桐知驛舍倚山毛竹即人家  
赴虛野婦沽甜酒  
候客溪童進辣茶

架巖鑿壁作巢居隱約晴雲碧樹疎  
水視枝枝橫檻似  
禾困箇箇小亭如

白沙青石小溪清魚入疎曾艇子輕  
謾說南荒風景異  
此時真似剡中行

林塘幽窈隔桑村風磴崎嶇接石門  
雨過茅茨忘赤日

御選明詩

卷五

林弼

唐敏

六

雲深篁桂易黃昏

龍州溪洞極南邊雞犬桑麻自一天  
流水桃花今有路  
何須更覓武陵仙

唐敏

禁直三首

武樓高迴接迴廊繡妥盤龍護御牀  
得侍至尊論治道  
祥風微裊水沈香

天門旭日炫新晴鳳髓龍香研墨清  
親見君王書草字  
蛟龍吹雨雜風聲

金輿曉駐武英傍孔雀屏開御褥香  
今代瀛洲最多士  
賜題吟得進君王

劉三吾

墨竹

奎章閣老天邊字  
薊北山人霜後枝  
想見披圖明寫處  
循籬看罷落花時

張箒

朱中舍惠麓秋晴圖

湖上羣山臥九龍  
泉頭一客坐雙松  
定知別去還相憶  
夢入秋雲第幾重

題美人春睡圖

春睡纔醒粉褪腮  
香塵不動下階來  
畫闌曾倚東風笑  
向晚櫻桃一半開

御選明詩

卷一百一

劉三吾

張箒

瞿莊

朱同

七

瞿莊

秀野軒圖

高士閒門日日開  
遠山如髮水如苔  
幾時蛻却塵中鞅  
布襪青鞵屢往來

題惠麓秋晴圖

清游嘗飲惠山泉  
客裏披圖思惘然  
尚憶信安祠外柳  
蕭條猶帶汴堤煙

朱同

題畫

紫陌紅塵沒馬頭  
人來人去幾時休  
誰家有酒身無事  
長對青山不下樓

秦約

紀夢簡陳簡討二首

官車輾輾過神臯五色雲中望赭袍野膳不嫌涼餅滑  
小奴花下翦春蒿

吳蠶入繭染春紅縹盡柔絲未論功若得君王迴一顧  
不辭白髮上陽宮

張適

題宮人汲井圖

燕子歸時風滿林碧梧月上思沈沈  
輻輳聲轉銀牀滑望斷君恩似井深

題陳惟允所書山水小幀

御選明詩

卷五

秦約

張適

八

濟南那得似江南千頃溪山百頃嵐三月綠陰桑子落  
村村布穀老吳蠶

南塘泛舟

一百五日又清明江花冉冉鳥嚶嚶拂水柳條千萬縷  
東風不碍酒船行

題山水小幀

秋林雨過雲猶濕綠莎亭子小於笠漁榔欲來猶未來  
隔隄驚起雙谿鴉

翠岫樓臺圖

巖下樓臺擁翠霞千章嘉樹蔭窗紗曲闌干外東風急  
人隔珠簾看落花

題畫卷

青山歷歷樹重重寺在雲深第幾峰比屋人家西崦下  
夕陽長聽講時鐘

楊彝

蚤起

一聲殘角數聲雞南斗高懸北斗齊多少行人度關去  
東方曙色尚淒迷

戈鏞

寄劉彥炳

征旆遙分苑路西馬蹄春去弋陽溪相思欲和烏啼曲  
一拂瑤弦意總迷

御選明詩

卷五

張適

楊彝

戈鏞

馬治

九

題野塘秋景

芙蓉秋色滿銀塘白鷺雙飛下晚涼記得采蓮看越女  
醉騎驕馬觸垂楊

馬治

經杜樊川水榭故基

風煙淡淡水冥冥杜榭橋西傷我情閒倚溪樓望山色  
鷓鴣飛處晚鐘聲

追和柯丹丘所藏坡翁詩帖

東閣小詩書夢破後堂殘醉燭花明春風客散茶香在  
寂寞人間萬古情

紅入兩顰春意滿翠籠雙裏曉寒尖雖知別後情難識

也覺愁中醉易添

透海丹砂一粒紅前身宜與後身同就中只換神仙骨  
塵業何由到素風

滄海桑田復幾塵東風惟見落花春須知剩水殘山後  
冰雪肌膚別有人

追和虞奎章韻

梅花香冷返冰魂往事茫茫迹未論寶劍已隨龍化去  
誰憐水上刻舟痕

賦罷仙人萼綠華金聲玉色衆中誇歸來世上空塵土  
雲白江清月滿沙

陳汝楫

御選明詩

卷五

馬治

陳汝楫

銜炳

十

桃花泉

桃花流水合荆溪夜雨春波拍斷隄偶爾今朝出門望  
平疇雉雛麥初齊

銜炳

秋詞

廣寒樓閣玉為梁月裏姮娥百寶妝流水莫題紅葉句  
人間天上隔宮牆

題葉楚庭醉漁卷簡彭敬宗劉子原子載子明

落盡茶蘼草覆裯二分流水一分塵小車都載鵝黃酒  
蘇小墳前醉過春

泊瓜洲懷舊寄顧利賓王又新隱居

潮聲月色滿江船回首春風十六年憶得石橋楊柳巷  
珠簾銀燭聽歌眠

望丹陽郭經楊子橋二首

楊子橋邊楊柳新青帘斜照送行人明日揚州看花去  
祇憐不似舊時春

暖風晴日丹陽郭處處東風是舊遊記得杏花寒食候  
紫簫紅裏宿江樓

東湖憶舊簡劉子雍胡伯清汪宗彛

蕭家巷口花如霧紅粉闌干酒旆斜記得少年曾繫馬  
如今無樹可啼鴉

離懷寄汪宗彛楊孟瑄魏居敬

御選明詩

卷五

錫炳

十一

垂垂江雨作春波江上行人晚唱歌莫遣青燈照衣袂  
酒痕不似淚痕多

暮春寫懷四絕

晴雪飛絲柳樹斜雨餘紫陌淨無沙春衫日日騎官馬  
兩裏東風看落花

官筵題就送春詩簪筆承恩出殿遲病目塗鴉不成字  
粉箋香墨惜烏絲

揚州書記鬢蒼蒼每向春歸欲斷腸剩欲典衣酤酒飲  
風流無復少年狂

青梅煮酒蕨芽肥倦客懷家入夢思想得故園風景好  
一庭香雪落茶縻

郭奎

寄劉彥基二首

洪州別駕久相違，驥足遲遲三月歸。  
應被長干兒女笑，春風不識繡羅衣。

九月征人未授衣，年年書到故園稀。  
無情恨殺湘天雁，不帶平安一字飛。

開歲臥病

多病文園渴未消，自從人日過花朝。  
不知楊柳將春色，綠到淮南第幾橋。

贈陳教授敏

松樹連檐翠色多，湖南春水澹生波。  
貢家舊宅雲林在，

御選明詩

卷五

郭奎

十一

明月滿船聽櫂歌

贈白芾山菴道人楊玄中

四望亭前姑熟溪，道人種玉住山西。  
古松數株秋滿屋，青鳥月明時一啼。

德興山中

樹頭飛翠濕空蒙，茅屋雞鳴雪澗東。  
好借吳興唐棣筆，畫圖傳我是仙翁。

銅陵寄劉知府

雙尊特爲故人將，江路風濤忽渺茫。  
坐對銅官不同飲，馬蹄明日又涇陽。

王蒙

宮詞

南風吹斷採蓮歌  
夜雨新添太液波  
水殿雲廊三十六  
不知何處月明多

過姑蘇

山圍平野綠煙中  
江葦蕭蕭兩岸風  
誰種闔閭城外柳  
年年飛絮入吳宮

陳汝言

歸來

春城踏踏馬蹄輕  
醉裏歸來鼓二更  
月滿青樓人不寐  
政將新曲按銀箏

李暉

御選明詩

卷五

王蒙

陳汝言

李暉

朱芾

十三

紅梅

滿林紅雪影  
珍珍夜靜和春浸  
碧潭却憶騎驢二三月  
杏花小雨看江南

暮歸

山畧小路曲如蛇  
薄暮踈踈雨潤沙  
醉裏亦知春色老  
西風開遍木棉花

朱芾

自題蘆洲聚雁圖

夜窗聽雨話巴山  
又入瀟湘水竹間  
滿渚冥鴻誰得似  
碧天飛去又飛還

虞堪

春興

原頭芳草綠如茵寒食江南已過春  
飛絮漫天兼遶路落花如海倍愁人

題盛子昭臨吳興公溪山釣船圖

著我春江聽雨眠  
漚波亭下水如天  
當時度得參差玉  
吹起春風滿釣船

題趙松雪畫二首

王孫今代玉堂仙  
自畫蒼溪似輞川  
如此青山紅樹底  
那無十畝種瓜田  
竹色蕭蕭木葉齊  
石邊芳草迴淒迷  
斷猿月落愁人去  
正在黃陵廟裏啼

御選明詩

卷五

虞堪

王澤

古

為王允同題陳惟允畫荆溪圖

好山都在太湖西  
滿路風煙棘刺迷  
華屋燕飛今在否  
市橋官柳不勝題

王澤

小遊仙三首

中山千日酒初醒  
却愛玄都夜景清  
起坐天門吹玉笛  
月中珠樹起秋聲

東度扶桑看日華  
却隨王母借飈車  
夜涼海色平如掌  
倒看青天起赤霞

獨繞瑤壇歌洞章  
青天如水月華涼  
閒將一掬芙蓉露  
乞與神龍作雨香

蘆雁

拍天煙水接瀟湘  
蘆葦秋風葉葉涼  
何處漁郎夜吹笛  
雁羣驚起不成行

李太白像

春殿龍香試綵毫  
詩成奪得錦官袍  
歸來笑擁如花妓  
臥看薔薇月上高

劉儼

湘竹龍

赤壁山川久寂寥  
揚州歌吹近蕭條  
都將一段風流夢  
付與湘江碧玉簫

袁舉

御選明詩

卷三

王澤

劉儼

袁舉

貝瓊

十五

漁莊

紅白芙蓉照畫屏  
秋波如鏡照娉婷  
並頭花似雙蛾臉  
一朵濃酣一朵醒

貝瓊

苔溪陸文寶挾筆過雲間  
持卷求余言而一時  
縉紳之作不啻百篇  
有論筆法自趙松雪用落  
墨而始廢者有爲筆卦者  
近膚學小子率意妄  
作類如此可歎也已  
因賦五絕

近代何人下筆精  
吳興松雪最知名  
欲過大令歸前輩  
競學中郎恥後生

吳興松雪真奇士  
書到通神逼二王  
謾有兒童誇並駕

更無弟子得升堂

退之作傳聊為戲子雲草玄真好奇更有區區工畫卦  
強分奇耦學庖犧

石鼓鐫功元自缺秦碑頌德久應訛一時篆籀今誰解  
白髮江南玉雪坡

謾禿霜毫臨北海更求雪繭寫蘭亭也知不改無鹽陋  
浪抹青紅鬪尹邢

次韻邵箕谷暮春

處士渾同鄭子真水南結屋與山鄰已從竹筍生旁舍  
不遣桃花誤世人

辛亥七夕

御選明詩

卷一百一十五

貝瓊

朱右

張宣

十六

五夜天邊輒鳳梭長生殿裏望星河玉環他日無窮恨  
更比牽牛織女多

朱右

次韻悅兌元見寄

於越山中謝傅家舊時池館似東嘉繼公幽隱經行處  
蒼蘆新開一樹花

張宣

送鄭希本還徽州

從親南國久為官話別江城歲欲闌三百灘聲流月色  
青山多處是新安

邵亨貞

貞谿初夏六首

雨後深林竹筍肥  
渡頭風急柳花飛  
柴門不掩綠陰靜  
人在閒窗試苧衣

綠陰桑柘滿高原  
白水蒹葭接遠村  
江上人家無俗事  
輕舟載網過柴門

巡簷燕子掠晴絲  
隔水茶煙出院遲  
草色入簾人不  
到  
午風吹暖夢回時

春水初收露淺沙  
野人相見問年華  
芒屨竹杖前村路  
煙樹深深叫乳鴉

棟花風起漾微波  
野渡舟輕客自過  
沙上兒童臨水立  
戲將萍藻飼黃鵝

御選明詩

卷五

邵亨貞

錢宰

七

巷巷縑車桑繭熟  
村村社鼓野神來  
鶉鳩聲向樹陰裏  
花下柴扉晝不開

錢宰

春深即景

露梢黃鳥啄來禽  
蛙葉青蟲絡樹陰  
又是綠堦春雨歇  
滿庭芳草落花深

題牡丹仕女圖

樂府梨園曲慢裁  
內家新奏牡丹開  
下堦立得花陰轉  
李白承宣詔未來

題野老醉騎牛圖

村田樂事老來稀  
記得江南春社時  
兒女醉扶黃犢背

帽簷顛倒插花枝

題秦淮送別圖

綠酒斟來且莫斟  
酒闌歌罷去駸駸  
別懷恰似秦淮水  
流到長江綠更深

畫魚

綠波春水沒漁家  
楊柳青青拂釣槎  
三月江南春雨歇  
一雙鱸鮓上桃花

題林處士觀梅圖

放鶴仙人不可招  
斷河殘月夜聞簫  
別來欲問春消息  
花落西冷第二橋

客窗聽雨

御選明詩

卷百

錢宰

六

綠波煙草渺天涯  
燕子來時未到家  
宿酒恰隨春夢醒  
雨聲落盡碧桃花

題李伯時仕女圖

月下裁衣

霜落黃梧漢月高  
西征對月剪征袍  
妾心不憶交河冷  
手冷難裁金剪刀

春屏未起

梨花落月酒微酣  
柳絮春雲睡正堪  
夢入長安歸未得  
覺來不信是江南

畫蠅

江上蓴鱸不用思  
秋風吹破綠荷衣  
何妨夜壓黃花酒

笑擘霜螯紫鱗肥

童冀

冬日道中

日落疎林度小橋  
天寒歲晚路迢迢  
道人已是歸心急  
更爲梅花住一宵

葉子奇

岳州

綠波暗漾白龜池  
郭外人家有酒旗  
客思獨如楊柳樹  
春風愁緒萬條絲

隱居

蒼石紅泉少隱家  
牽牛延蔓繞籬笆  
不知滿徑秋多少

御選明詩

卷五

童冀

葉子奇

九

涼露西風澹泊花

己亥元日寓舍獨坐對雨

清坐無憀獨客家  
一瓶春水自煎茶  
寒梅幾樹迎春早  
細雨微風看落花

復次仲脩韻

春風村巷澹如秋  
細雨和雲點點愁  
正是別魂招不返  
落花流水下溪頭

寨上過重九

客子光陰似水流  
西風吹老菊花秋  
今年不用登高去  
人在青山最上頭

壬寅重九

白雁風高落木洲人間歲月水東流山城又是當吹帽  
數點黃花冷澹秋

題張原琛篷窗

銀絲魚鱸碧芹羹曾記扁舟越上行今日小軒風味似  
滿川風雨看雲生

宿白羊湖

客思官程意轉迷湘江南去草萋萋待尋無樹人家宿  
免得中宵謝豹啼

寓玉清觀

徑草微微護淺沙小山叢竹玉清家牽牛延蔓無多碧  
點綴秋光一兩花

御選明詩

卷五

葉子奇 胡奎

二

南唐故址

唐主宮垣集暝鴉垣邊幾座野人家尚餘一片繁華地  
宜種紅藍內苑花

胡奎

題蘆雁圖

草草書空不作行相呼相喚過衡陽蘆花月冷應無夢  
豕盡寒沙一夜霜

宿田家

村北村南社鼓聲聞尋父老說昇平孤燈也識離人意  
落盡寒花却再生

管訥

紀夢

小宴初闌罷玉笙東風庭院好春情流鶯啼過樓東去  
一樹梨花正晚晴

送馬駿赴京

黃鶴磯頭上驛船柁樓搗鼓下晴川客行二月梨花後  
人別東風燕子前

贈別

草色青青漢水新異鄉聽雨怕逢春客懷最是今年惡  
頻向東風送故人

題畫

柴門春盡動鷗波樹色山光雨後多老去無官長自在

御選明詩

卷直

管訥

林溫

顧祿

三

醉眠江閣聽漁歌

修竹芙蓉

水仙小隊自成雙裊裊霓旌引翠幢一夜湘君頭盡白  
西風離思滿秋江

林溫

盤山道中

盤山嶺頭春雨多天台雁蕩雲相摩鷓鴣啼入竹林去  
我行不得君奈何

顧祿

和袁海叟題老蛟化江叟吹笛圖

千里神龍化作翁月明吹笛倚龍宮曲聲不許人間聽

散入重湖半夜風

涂穎

上京次貢待制韻

海風吹雨度龍沙  
滿眼金蓮紫菊花  
日暮笙歌何處起  
高低穹帳五侯家  
蓬萊仙子學長生  
羣帝朝天絳節迎  
昨日六龍迴北極  
雲裾霞佩集灤京

題山水圖

憶昔灣陽八月歸  
北風吹雪灑秋衣  
槍竿嶺上停車望  
萬木蕭蕭落葉飛

呂復

御選明詩

卷五

涂穎

呂復

吳植

姚璉

三

題方壺蒼山秋意圖

昔遊華蓋仙人掌  
萬疊芙蓉紫翠生  
猶記月明聞鐵笛  
人間無處著秋聲

吳植

過南湖戲折藕花

秋日南湖戲采蓮  
鴛鴦飛上木蘭船  
一聲白紵知何處  
無復閒情似少年

姚璉

冬日

野人曝背向牆隈  
時飲茅柴酒兩杯  
滿階落葉渾不掃  
拄杖去尋江上梅

唐仲實

遣懷

繁昌縣前白楊樹隨處柴門傍  
水開可是夜深風露冷  
流螢一箇度江來

任原

贈同舟從軍林生

青天無盡碧波長  
百尺雲帆挂夕陽  
海路音書何處寄  
西風吹雁不成行

殷奎

杜曲

稜稜桑田帶水田  
夕陽幽興滿樊川  
祗疑身在江南處  
御選明詩卷五  
唐仲實 任原 殷奎 袁華  
放我溪頭罨畫船

絕句

灞陵橋下水潺湲  
人影離披夕照間  
來往總憐車馬好  
西風破帽獨南還

袁華

客海津送郭秀才南回

百丈牽船上御河  
客中送子奈愁何  
柁樓晚飯鮐魚美  
細雨微風水不波  
草低沙軟見牛羊  
煙霧蒼茫落日黃  
燕女如花不相識  
笑傾馬潼勸人嘗

次韻二首

乳燕初飛藕作花秋娘二八髻雙了臂鞦紅露珍珠絡  
疑是錢塘舊內家

細雨微風透碧紗酒痕橫面上朝霞君行不唱陽關曲  
聽取尊前陌上花

柳塘春口占

橫雨狂風二月餘柳塘猶未動春鉏花明蘭渚宜垂釣  
月暗芸窗好讀書

細雨初晴暖尚微小亭簾幙護春暉麴塵波動魚初上  
金縷條長燕未歸

盧昭

柳塘春

御選明詩

卷五

袁華

盧昭

申屠衡

三

黃柳華香水上衣褰簾亭上挹春暉蘭橈一道微風入  
却逐金塘燕燕歸

過吳淞江

霜林纖月隋疎煙有客同舟思欲仙何處吳歌聞白苧  
滿江秋色坐青天

申屠衡

宮詞

青瑣春閒漏點遲博山香煖翠煙微隔簾誰撼金鈴響  
知是花間燕子歸

朱應辰

元夕

闔閭城裏又元宵  
白屋殘燈照寂寥  
却憶舊時風景好  
琉璃光裏聽笙簫

山中書事

支筇步履踏莓苔  
小院無人燕子來  
最是東風難管領  
梨花落盡杏花開

山青雲白鬪爭高  
石路縈紆接野橋  
幾箇長松高出屋  
門前楊柳未成條

夢醒

夢醒方牀夜四更  
紙窗殘月弄微明  
數聲柔櫓過湖去  
又是鄰家早入城

題管仲姬畫竹

御選明詩

卷直

朱應辰

陶振

史遷

三五

夫人寫竹如寫字  
不隨畫家蹊徑中  
料得山房明月夜  
晴窗葉葉動秋風

陶振

題張子正春雨鳴鳩圖

梨花枝上雨斑斑  
春滿西園十二闌  
何事錦鳩聲不絕  
陰雲連日護溪山

史遷

漫興

貧居村塢長無事  
誰復能過野老家  
只有春風太情重  
小桃深巷也開花  
休怪狂夫出處輕  
孟郊還解以詩鳴  
瓦瓶盛酒漁樵話

野草江花亦慰情

灑東煙樹杜陵家百尺深潭似浣花布東龍鍾筇竹杖也勝裘馬在天涯

好風輕雨趁輕雷一洗山川罨畫開誰道衡門無過客春深還有燕飛來

暮春

白頭老子愁底事正是送春無一錢偶被黃鸝故牽引却向綠陰窗下眠

綠陰窗下春草碧無數柳花吹近牀一雙蝴蝶總無賴飛到小闌還過牆

夕陽在山月已白人生幾何春復秋華翰疊鼓豈無謂御選明詩

卷五

史選

冷謙

史靖可

三

莫怪西園清夜遊

舞衣歌扇久寂寞白雪時時夢裏聽可憐春色別人去能得花前幾醉醒

冷謙

題燕肅山水卷

依稀廬岳高僧舍彷彿商山隱者家我亦抱琴來谷口白雲深處拾松花

史靖可

送宋學士

君王親為計歸程幾日携家出鳳城江上春來有風浪扁舟好向裏河行

梅頤

夏日

松下桃笙酒半醒  
石根流水碧泠泠  
片雲將雨窗前過  
分得新涼入研屏

秋日

黃葉蕭蕭獨掩關  
屏風小幅畫江山  
酒醒夢入湘雲去  
不管秋聲在樹間

林子森

鎮遠道中

行盡荒林晚未休  
鷓鴣聲斷碧山秋  
逢人數問前程路  
九十長亭是貴州

御選明詩

卷五

梅頤

戴奎

林子森

凌雲翰

俞貞木

三

俞貞木

題倪雲林畫

棲神山下玄元館  
華表巍然鶴未歸  
寂寂小亭人不見  
夕陽雲影共依依

戴奎

秋夜有懷

欲憑詩句寄秋風  
吟到宵分蜜炬終  
月色如銀庭樹冷  
一絲和露墮青蟲

凌雲翰

次徐總制韻

燕子來時花滿城  
海棠絲雨半籠晴  
行人最愛西湖水

流入官河也自清

劉文質松溪小像

爲聽松風直過溪長琴分與小童携白雲不隔天台路  
千樹桃花一鳥啼

鄭真

王莊驛

日落山西一片霞愁來有路不容遮秋風三徑陶彭澤  
正待南歸看菊花

題李璋梅花

三年爲客海東涯萬里羅浮一夢賒霜月夜寒天地白  
開門曾憶看梅花

御選明詩

卷五

凌雲翰

鄭真

張庸

三

題墨梅

先春遠寄墨淋漓折得寒香第一枝夢遶西湖山月暗  
漆紗窗下影參差

題蘭

國香散落翠巉巖晷晷芳叢玉露涵楚佩可憐零落盡  
春風春夢過湘南

張庸

江口晚發

四月南風紫楝花扁舟春水白鷗沙阿儂近住雙涇口  
一趁回潮即到家

李洪

西良湖

蕩舟歸去月黃昏湖上人家半掩門  
漁笛數聲何處起冷香一樹玉梅根

袁宗

清明日偶成

窗下修書寄遠人燕泥時復浣衣巾  
東風催下清明雨鶯老花殘又一春

春曉口占

東風剪剪柳毵毵欲試羅衣尚未堪  
怪我春來愁不醒杏花微雨似江南

王紳

御選明詩

卷一百一十一

李洪孫贊

袁宗

王紳

貝翱

三

題墨竹

瀟湘江上暮雲迷落日無人翠羽低  
橫擢黃陵廟前宿一篷春雨鷓鴣啼

貝翱

題張子正桃花春鳥圖

山禽飛上碧桃枝獨立東風喜報誰  
翠幌日高人未起分明池館記當時

孫贊

寄高彬

條風吹綠滿蟾溪蠟屐行春日向西  
獨木橋邊烏柏樹鷓鴣飛上上頭啼

寄王彥舉

綠楊陰下玉驄嘶  
絲絡銀瓶帶酒携  
夢入南園聽夜雨  
不知身在蔣陵西

訪某附馬不過題壁

青春附馬不還家  
公主傳宣坐賜茶  
十二碧闌春似海  
隔窗閒殺碧桃花

龍江夜泊

蔣山山頭秋月明  
龍江江上暮潮生  
行人又是金陵客  
臥聽西風鼓角聲

出蜀

白帝秋高木葉黃  
蜀中長是雨浪浪  
瞿塘水落漩渦小

御選明詩

卷五

孫黃 王佐

三十

一路青山到岳陽

王佐

美人紅葉圖

謝家夫人詠柳絮  
黃陵女兒歌竹枝  
誰信長門秋色淡  
西風黃葉斷腸詞

御選明詩卷第一百二

